

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO  
ZENIČKO-DOBOJSKOG KANTONA  
ZENICA  
BROJ: T04 0 KT 0058233 24  
Zenica, 11.02.2025. godine**

**OPĆINSKI SUD U ZAVIDOVIĆIMA  
-Sudiji za prethodno saslušanje-  
Z A V I D O V I Ć I**

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

**O P T U Ź N I C U**

**Protiv:**

**O. A.,** neosuđivan

**Što je:**

dana 29.04.2024. godine, oko 20,20 sati, na magistralnoj cesti M-17, na području općine M., u mjestu M., upravljajući prevoznim sredstvom marke „Fiat“ reg. oznaka ..., krećući se iz smjera Z. u smjeru D., vozio neoprezno i nedovoljno pažljivo jer nije obratio pažnju na pješaka koji se nalazio na kolovozu, svjestan da zbog takve radnje u saobraćaju može ugroziti javni promet i dovesti u opasnost živote ljudi i imovinu, ali je olako držao da zabranjena posljedica neće nastupiti ili da će je moći spriječiti, pa je postupajući suprotno odredbama člana 28. stav 1. Zakona o osnovama bezbjednosti saobraćaja na putevima u BiH, bez kočenja prednjom čeonom stranom svog vozila udario u pješaka O. A. dok je isti prelazio kolovoz sa desne na lijevu stranu gledajući iz smjera kretanja vozila „Fiat“, radi čega je pješak nabačen na lijevi dio poklopca motora, prednjeg vjetrobranskog stakla i lijevog dijela krova vozila nakon čega je isti odbačen na kolovoz, ugrozivši time tako sigurnost javnog prometa, zbog čega je neposredno nakon udara nastupila smrt O. A. usljed iskrvarenja u lijevu grudnu šupljinu kao posljedica razdora svih slojeva zida za polovinu obujma početnog silaznog dijela grudne aorte,

**dakle**, kao učesnik u prometu na putevima, nepridržavajući se prometnih propisa ugrozio javni promet i time prouzrokovao smrt jednog lica,

**čime je** počinio krivično djelo Teška krivična djela protiv sigurnosti javnog prometa iz člana 336. stav 4. u vezi sa članom 332. stav 3. u vezi sa stavom 1. KZ F BiH